

Broj: 07-11-16-476-27/20
Sarajevo, 12.11.2020. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama Bosne i Hercegovine («Službeni glasnik BiH», broj 39/14), na preporuku Komisije za javne nabavke imenovane rješenjem broj: 07-11-16-476-2/20 od 05.10.2020. godine, direktor Federalnog zavoda za geologiju, d o n o s i

O D L U K U

o izboru najpovoljnijeg ponuđača za javnu nabavku roba

„Nabavka interaktivne pametne table (multiboard)“ za potrebe Federalnog zavoda za geologiju

I

U cilju odabira najpovoljnijeg ponuđača, u provedenom postupku javne nabavke - Konkurentski zahtjev za dostavu ponuda za javnu nabavku roba – Nabavka interaktivne pametne table (multiboard) za potrebe Federalnog zavoda za geologiju, evidencijski broj nabavke: 07-11-16-476/20 od 05.10.2020. godine, broj obavještenja o nabavci sa Portala javnih nabavki: 288-7-1-52-3-3/20, kao najbolje ocijenjena prihvatljiva ponuda nakon provedene e-Aukcije je ponuda ponuđača **NV-INVEST d.o.o. Sarajevo**, broj: 01-10/20 od 21.10.2020. godine i Izvještaja o toku i završetku E- aukcije od 09.11.2020. sa web portala www.ejn.gov.ba sa konačnom cijenom ponude u ukupnom iznosu od **9000,00 KM** bez PDV-a.

II

Ponuđač iz tačke I. ove odluke ocijenjen je kao najpovoljniji, jer ispunjava uslove postavljene tenderskom dokumentacijom, a u skladu sa kriterijem za dodjelu ugovora (najniža cijena) ponudio je najnižu konačnu cijenu ponude navedenu u tački I. ove odluke.

III

Po isteku roka za žalbu, odnosno po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezano za predmetnu javnu nabavku shodno uslovima iz tenderske dokumentacije i zakonskim propisima koji regulišu postupke ugovaranja.

IV

U prilogu ove odluke ponuđačima koji su učestvovali u postupku javne nabavke dostavlja se i Zapisnik o pregledu i ocjeni ponuda broj: 07-11-16-476-26/20 od 09.11.2020. godine, u skladu sa članom 71. stav (2) Zakona.

V

Za realizaciju ove odluke zadužuje se Sektor za pravne, finansijsko-računovodstvene i opšte poslove.

VI

Ova Odluka stupa na snagu danom donošenja i objavit će se na web stranici Zavoda, www.fzzg.gov.ba, u skladu sa članom 70. stav (6) Zakona o javnim nabavkama, istovremeno sa upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Postupak javne nabavke po Konkurentskom zahtjevu za dostavljanje ponuda - Nabavka interaktivne pametne table (multiboard) za potrebe Federalnog zavoda za geologiju, pokrenut je Odlukom o pokretanju postupka javne nabavke roba broj: 07-11-16-476/20 od 05.10.2020. godine, u skladu sa članom 18. stav (1) Zakona o javnim nabavkama BiH. Procijenjena vrijednosti javne nabavke bez PDV-a je 11.319,00 KM.

Obavijest o nabavci broj: 288-7-1-52-3-3/20 objavljena na Portalu javnih nabavki Agencije za javne nabavke i sva komunikacija sa ponuđačima obavljala se u formi i na način definisan u sistemu e-nabavke.

Poziv za preuzimanje tenderske dokumentacije u sistemu „E-nabavke“ i dostavu ponude prosljeđen je slijedećim ponuđačima (istovremeno sa slanjem obavijesti na Portal javnih nabavki i objavom tenderske dokumentacije na Portalu javnih nabavki):

- 1.Imtec d.o.o Sarajevo,
- 2.Gog d.o.o Zenica,
- 3.Genelec d.o.o Tuzla,
- 4.Intelcom d.o.o
- 5.Telnet do.o. Sarajevo,
- 6.Komel d.o.o Sarajevo,

Tendersku dokumentaciju (objavljenu na Portalu javnih nabavki dana 06.10.2020. godine) preuzelo je 20 (dvadeset) ponuđača a Izmjenu tenderske dokumentacije (objavljene na Portalu javnih nabavki 15.10.2020. godine) preuzelo je 12 (dvanaest) ponuđača.

Rok za dostavu ponuda bio je 28.10.2020. godine do 12,00 sati.

Dana 11.11.2020. godine, Komisija za javne nabavke direktoru Zavoda je dostavila Zapisnik o pregledu i ocjeni ponuda, , te je u postupku analize Zapisnika utvrđeno da je Komisija blagovremeno i pravilno provela postupak predmetne nabavke, odnosno izvršila otvaranje, pregled i ocjenu pristiglih ponuda, o čemu je sačinila zapisnike, te konstatovala slijedeće:

- da su blagovremeno pristigle ukupno 4 (četiri) ponude;
- da nema neblagovremenih ponuda;
- da je jedna ponuda neprihvatljiva,
- da su ponude ponuđača: NV-invest d.o.o, Gog d.o.o, i Primaprom d.o.o prihvatljive i da ispunjavaju formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa.

Nakon izvršenog pregleda i ocjene ponuda zakazana je e-Aukcija dana 06.11.2020. godine u 10:00 sati. Ponuđač: NV-INVEST d.o.o Sarajevo ponudio je najnižu cijenu na e-Aukciji.

Nakon provedene e-Aukcije Komisija je dostavila direktoru Zavoda Zapisnik o pregledu i ocjeni ponuda, sa preporukom o izboru najpovoljnijeg ponuđača NV-INVEST d.o.o Sarajevo, IDB/JIB: 4202203760007, Moševačka broj 50., 71380 Ilijaš, za predmetnu nabavku, sa konačnom cijenom ponude u ukupnom iznosu od 9.000,00 KM bez PDV-a.

Prilog Zapisniku o pregledu i ocjeni pristiglih ponuda, broj: 07-11-16-476-26/20 od 09.11.2020. godine, Zapisnik o otvaranju ponuda, broj: 07-11-16-476-24/20 od 28.10.2020. godine i Zapisnik o zaprimanju ponuda, broj: 07-11-16-476-22/20 od 28.10.2020. godine.

U postupku donošenja ove odluke posebno su cijanjene činjenice da je Komisija pravilno i potpuno izvršila ocjenu kvalificiranosti ponuđača, te ocjenu i rang listu prispjelih ponuda, shodno kriterijima iz tenderske dokumentacije, te kriteriju najniža cijena, odnosno ocijenjeno je da je Komisija pravilno izvršila izbor najpovoljnijeg ponuđača u skladu sa Zakonom o javnim nabavkama («Službeni glasnik BiH», broj 39/14), podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama odlučeno je kao u dispozitivu.

U skladu sa članom 70. stav (6) Zakona o javnim nabavkama ova odluka ima se objaviti na internet stranici Zavoda istovremeno sa njenim upućivanjem ponuđačima koji su učestvovali u postupku javne nabavke.

Pouka o pravnom lijeku: Protiv ove odluke dozvoljena je žalba u pisanoj formi u roku od pet (5) dana računajući od dana kada su ponuđači primili ovu odluku. Žalba se izjavljuje ugovornom organu - Federalnom zavodu za geologiju u skladu sa članom 99. i 101. Zakona o javnim nabavkama, u dovoljnom broju primjeraka, a koji ne može biti manji od tri.



DIREKTOR
Mr Vedad Demir dipl. ing.geologije

Dostaviti:

- Ponuđaču : NV-Invest d.o.o, –sa povratnicom
- Ponuđaču : Gog d.o.o -sa povratnicom
- Ponuđaču: Primaprom d.o.o - sa povratnicom
- Ponuđaču: Imtec d.o.o – sa povratnicom
- web: [www. Fzzg.gov.ba](http://www.Fzzg.gov.ba)
- a/a.